



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 14. De Parisiensibus doctrinæ articulis.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII. bertate, strenuum se & invictum de-
 A. C. 1719 fensorem exhibuerit.

§. XIV.

De Parisiensibus doctrinæ articulis.

*Dorſavn.
Journal de
la Conſt.
pag. 407.*

Postquam Parisiensis Facultas Theo-
 logica jam ante biennium primam
 partem articulorum, in quibus doctrina
 præfatæ Facultatis exposita erat, typis
 ediderat, in pluribus Sorbonæ comi-
 tiis secunda eorum pars examinabatur:
 ast tot annotationes additæ, propo-
 sitiones æquivocæ, suspectæ, hærelique
 proximæ lituris eliminatæ, adhibitæ
 que temperamentis moderatæ fuerunt,
 ut omnes omnino articulos ad novam
 formam esse revocandos, unanimi suf-
 fragio decerneretur: Cum autem id
 ob discrepantium opinionum pertinaciam,
 & fanaticum contradicendi æ-
 stum gravis & diuturni laboris opus es-
 set, refractarii Doctores hanc moram
 in rem suam vertere, interim vero ter-
 tiam doctrinæ partem, in qua præci-
 pue de gratia agebatur, obtrudere ni-
 tebantur. Hunc in finem articulos a
 se propositos exeunte verni jejunii tem-
 pore Facultatis Doctoribus consignab-
 ant: quoniam vero hæc tertia pars
 haud absimilis a secunda, necnon cre-
 bris plurium contradictionibus obnoxia
 effect

*Vid. supra
t. 68. p. 305.*

effet, hinc non modo Molinistæ, sed etiam probatiores Theologi adversus expositam doctrinam exarsere, palam declarantes, quod hujus doctrinæ fabricatores discordiæ pomum, novaque diffensionum semina jacere, & Facultatem perturbare intenti, perverſas suas opiniones probatis Thomistarum sententiis palliare, illasque tanquam fidei Regulam, aut saltem velut veritates certissimas, eliminata Scholæ Molinisticæ libertate, venditare moliantur: Re ad Philippum Regni Moderatorem delata, Hic Facultatis Decano & Syndico inhibuit, ne ultra hac super re comitia haberentur. Parendum erat mandato, & nil reliquum erat refractariis, nisi ut Regio Præsidi, qui Syndico negligentiam in reprimendo hoc tumultuantium æstu exprobrabat, Decanus responderet, exæstuantium ingeniorum intemperiem sedare, rem oppido difficilem esse: Nihilominus altera adhuc die hi Doctores comitia habuere, in quibus quartam quoque doctrinæ partem examini subicere parabant: verum de iis facta nequidem mentione res ad alia comitia die secundo Maij habenda remittebatur. Præstituto die Savignius Doctor prolixo sermone demonstrare satagebat, a Baccalaureis, si qui forte contrariam opi-

Sæc. XVIII.
 A. C. 1719.

Sæc. XVII. nionem propugnarent, nequidem ab
A. C. 1719. eis exigendum esse, ut primæ parti
 doctrinæ subscriberent. Huic opinioni
 sexaginta quatuor Doctores accessere,
 centum tamen octoginta alii toto co-
 natu subscriptionum abolitioni obstite-
 runt. Insuper Regni Moderator per
 supremum Parlamenti Præsidem & Pro-
 curatorem Generalem ceteris Doctori-
 bus acriter exprobravit, quod subscri-
 ptionis legem Regiis literis ac sententiis
 approbatam abrogare ausi essent. Nec
 tamen propterea turbidi Facultatis Do-
 ctores quieverunt, sed Cadomensis Uni-
 versitatis appellationem ad acta referri
 moliebantur, quoniam vero in præfata
 appellatione Pontificiæ i. fallibilitatis
 doctrina dicebatur *erronea*, hinc præ-
 ceteris Tamponetus Doctor contra
 hanc temeritatem vehementer decla-
 mabat, demonstrans, quod ab Eccle-
 siæ exordio nunquam atrocior calum-
 nia fuisset attentata, nec unquam Fran-
 cia hanc doctrinam *erroris* incusare, si-
 mulque omnes totius Orbis, præter
 Gallicam, Scholas Catholicas de *erro-
 nea* opinione insimulare ausa fuerit.
 Prævaluit tamen plurimorum petulan-
 tia, qua non modo Tamponetus om-
 nibus Doctoratus honoribus exutus, &
 Cadomensis appellatio in tabulas fuit
 relata, sed etiam die decima nona

Janua.

Januarii per speciale Facultatis Parisi- Sæc. XVIII.
 sinæ decretum declaratum, *erroneum esse* A. C. 1719.
quod Papa sit infallibilis.

§. XV.

*Constitutio Unigenitus a Refractoriis
 Facultatis Theologicæ Parisiensis
 Doctōribus impugnata.*

Cum ergo renitentes Parisini Doctores Acta publ.
 se non modo a potissima suorum Const.
 parte, sed ab ipso etiam Regente & pag 531.
 Parlamento prohiberi cernerent, quo Declar.
 minus suæ doctrinæ venenum sub spe- Univ. p. 3.
 cioso Sorbonæ nomine & auctoritate
 publicam reddere possent, iram, suam-
 que vindictam in ipsam Constitutionem
Unigenitus exerere statuerunt: Hunc
 in finem non modo anno priori die
 quinta Octobris a præfata Constitutione
 & literis Pontificiis *Pastoralis* ad futu-
 rum Concilium Generale appellarunt,
 sed etiam totius Universitatis Studii
 Parisiensis nomine declarationem super
 hac appellatione publici juris fecerunt,
 eamque tanquam legitimam ac neces-
 sariam venditare conati sunt. Ut au-
 tem Lectori innotescat, quanta proter-
 via, & convitiandi libertate in ipsa Ec-
 clesiæ viscera grassari soleant ii, qui
 errores suos, quos sentiendi licentia
 concepit, superbia peperit, & pervi-
 cacia